

La carta de San Pablo a los Efesios

Efeso cuto gānare Pablo ĩ papera cōare gaye

¹ Ñati Efeso gāna m̄a. Ȳu ña Pablo adi papera m̄are cōagũ. Jesucristore queno t̄or̄n̄cōri ĩre jidicārã meje ña m̄a. Jesucristo oca ȳu goti ucure ãmoñi Dios. Ito bajiri masare ȳu riaso ucutoni ȳure cũñi ĩ. ² M̄are yiari mani Jacu Diore, ito yicōri Jesucristore cuni senia ȳu. M̄are ti maicōri queno yijaro Dios. Ito yicōri m̄a ya usij̄u queno sajari oca cuti quenaro ñajaro, yirocu Diore senia ȳu m̄are yiari.

Cristona s̄oriti quenarise manire cōañi Dios, yire gaye

³ “R̄etro queno yiḡu ña Dios m̄”, mani Ūju Jesucristo Jacure yi r̄uc̄b̄or̄ja manire. Cristo ñarã mani ñajare, quenoguti yiñi Dios manire. Ito bajiro yicōri jeyaro ũmac̄j̄u gaye mani t̄oĩa wan̄roca yami Dios, mani ya usij̄u queno mani ñatoni. ⁴ Adi mac̄r̄c̄ro ĩ rujeoroto riojua manire beseñi Dios, ĩ ñarã mani ñatoni. “Cristore t̄or̄n̄rã yirãji ña”, yi t̄oĩa masicōri, manire beseñi Dios. Ito bajiri manire ti maicōri, “Ñe seti ma ĩnare. Ȳu ãmoro bajiro queno yirã ñama ña”, yi tiguĩji Dios manire. ⁵ Jane mejeju manire ti maicōri, manire beseñi Dios. “Ȳu ñarã ña ñatoni, ȳu Macu Jesucristore cōagũ yiḡuja ȳu”, yi t̄oĩayij̄u Dios. Ito bajiro yi t̄oĩacōri ĩ r̄ia mani ñaroca yiñi Dios manire. ⁶ Ito bajiro manire ĩ queno yijare, ado bajiro ĩre yi r̄uc̄b̄or̄ja manire: “Guare quenoguti ya Dios m̄. M̄ Macu Jesure b̄uto maibojaguti gua ñeñaro yirise waja, ĩ waja yi ĩsitoni ĩre cōayija m̄. Ito bajiro yicōri guare masoyija m̄. R̄etro queno yiḡu ña m̄”, Diore yi r̄uc̄b̄or̄ja manire. ⁷ Manire ti maicōri ado

bajiro quenoñi Dios. “Mɔ ya rínati masa ñeñaro yirise waja, waja yi ísigũ yigɔja mɔ”, yigɔ ĩ Macure cōayijɔ Dios. Ito bajiri Cristore mani tuorũnɔja ticōri, mani ñeñaro yirisere ãcabojoñi Dios. Ito yicōri manire masoñi ĩ. ⁸ Manire ti maicōri buto queno yiñi Dios manire. ĩ gaye queno mani tuo masiroca yiñi. Ito bajiri ĩ ejabuarisena ĩ ocare queno tuo masirã yirãji mani. ⁹ Jane mejeɔ, “Ado bajiro yigɔ yiguĩji Dios”, yi masibisijarã masa maji. Adi rum̃riama Jesucristo ñarã mani ñajare, “Ado bajiro queno yigɔ yiguĩji Dios”, mani yi tuo masiroca yigɔ yiguĩji Dios. Ado bajiro yigɔ yiguĩji ĩ. ¹⁰ Dios ĩ ãmori rum̃, manire miojugɔ yiguĩji ĩ. No mani ñaroti, manire ãmigũ yiguĩji Dios. Ito yicōri ũmacũju gãna, jaca gãna jeyaro adi sita gaye cuni Jesús sīgũti ĩ rotiroca yigɔ yiguĩji Dios. Ito bajiro yigɔ yiguĩji Dios, Jesús sīgũti ʒju ĩ ñatiñatoni.

¹¹ Dios ĩ tuoñaro bajiroti jeyaro rētarɔ yiroja. Cristo ñarã mani ñatoni, jane mejeɔ ĩ ãmoro bajiroti manire beseñi Dios. “Ado bajiro yigɔ yigɔja yɔ”, yi tuoñacōri, ito bajiro yiyijɔ Dios. Ito bajiri Cristo ñarã mani ñaja ticōri, wanugũ yiguĩji Dios ĩja. ¹² Gua judio masama, mɔa riojuajɔ Cristore tuorũnɔsucɔa gua. Guare besecōri, Jesucristore gua rũcɔbɔroca yiñi Dios. “Rētoro queno yigɔ ñami Dios. ĩre mani tuorũnɔja manire masogũ yiguĩji ĩ”, gua yi rũcɔbɔtoni guare cũñi Dios. ¹³ Jesucristore tuorũnɔrã ña mɔa cuni. ĩ oca quenarise tuocōri, “Cristore mani tuorũnɔja, manire masogũ yiguĩji Dios”, yi tuorũnuyija mɔa cuni. Ito bajiri Dios ĩ goticãdo bajiroti, Espiritu Santo queo sãyijɔ Dios mɔa ya usijɔ. Ito bajiro ĩ yijare, “Dios ñarã ña mani”, yi tuoña masia mɔa cuni ĩja. ¹⁴ Mani ya usijɔ ĩ ñaja, ado bajiro ya mani: “Yɔ ñeñaro yirise waja, waja yi ísicãñi Dios. Ito bajiri ĩ rãca catitiñagũ yigɔja yɔ. Ito yicōri jeyaro ũmacũju ĩ goticãdo bajiroti bujagɔ yigɔja yɔ”, yi tuoña mani. Ito bajiri, “Rētoro queno yiñi Dios”, yi

rũcũbuoriti ñarũja manire.

Diore tũorũnrãre ĩ masirise ĩsijaro yirocũ, Pablo Diore ĩ seni ĩsire gaye

¹⁵ “Mani Ʋju Jesure tũorũncõri gãjerã Jesure tũorũnrãre tuo mairã ñama Efeso gãna”, mũare masa ĩna yija tũocũ yũ. Ito bajiro ĩna yija tũocõri, wanũa yũ. ¹⁶ Mũare wanũcõri, “Queno ya Dios mũ”, yisotia yũ Diore. Ito bajiri mũare tũoĩacõri mũare yiari Diore seni jidicãbea yũ. ¹⁷ Rẽtoro ñasagu ñami mani Jacũ Dios. Ĩti ñami mani Ʋju Jesucristo Jacũ. ĩre senisotia yũ, mũare yiari. ĩ gaye queno mũa tuo masitoni, mũare yiari Diore bũsi ĩsotia yũ. Ito yicõri ĩre mũa queno masitoni ĩre senisotia yũ. ¹⁸ Manire besecõri mani ñeñaro yirisere coe jeoñi Dios. Ito yicõri ĩ ñarã mani ñatoni, manire cũñi Dios. ĩ ñarã ñacõri, ũmacũju catitĩñare gaye boca ãmirã yirãji mani. Iti ña oca rẽtoro quenarise. Itire queno mũa tuo masitoni, Diore bũsisotia yũ. ¹⁹⁻²⁰ Ado bajiro manire ĩ masirise ĩoñi Dios. ĩ masirise ĩogũ, Jesús ĩ godaja bero mũcana tũdi ĩ catiroca yiñi Dios. Ito bajiro yicõri ĩ ya riojocadũja, rũcũbuoraju, Jesús ĩ rujiroca yiyiju Dios. Rẽtoro masigũ ñami ĩ. Ito bajiri queno manire ejabuaguĩji, ĩre mani tũorũnũja. Itire mũa tuo masitoni mũare yiari Diore bũsisotia yũ. ²¹ Ito bajiro rũcũbuoraju Cristore ruji rotiyiju Dios adi macãrucũro rotiri masũ ĩ ñatĩñatoni. Ito bajiri Ʋju ñasagu ñami ĩ. Gãjerã rotiri masa rẽtoro roti masigũ ñami Jesús. Ñimũ gãji ĩ robo roti masigũ maquĩji. ĩ ñami ñari masa rẽtoro mani rũcũbuorocũ. Ito bajiro cũyiju Dios Jesucristore Ʋju ñasagu ĩ ñatĩñatoni. Ito bajiri adi macãrucũro iti jedija bero Ʋju ñasagu ñatĩñacõgũ yiguĩji ĩ. Ito bajiroti ñatĩñacõgũ yiguĩji Cristo. ²² Adi macãrucũro jeyaro ĩ rotiroti cũyiju Dios Jesucristore. Ito bajiri Cristore mani tũorũnũja, ĩti ñami mani Ʋju. Manire ũmatã ñagũ ñari mani rijoga ñami ĩ. ²³ Cristore

tuorũnucõri sġgũ bajiro riti usi cuti ñarã ña mani ĩja. Mani ya usijũ ñaguĩji Cristo. Ito bajiri ĩ ya rujũ robo bajirã ña mani cuni ĩja. No mani ñarijũti mani rãca ñagũ yiguĩji Cristo. Cristo ĩ manija ñe gaje manoja. Ito bajiri mani rãca ĩ ñajare ñe ruyabea manire.

2

Manire ti maicõri manire Dios ĩ masore gaye

¹ Ito rũmũju Diore tuorũnũbiticõri, ñeñaro yirã ñacu mani maji. Ito bajirã ñari jeame ũjũrojũ warona ñabojacu mani. Ito bajiri godacãna robo bajirã ñacu mani maji, Diore masibiticõri. ² Ito rũmũ adi macãrucũro gãna ñeñaro yirã bajiro yibojacu mani cuni maji. Ito yicõri rũmũa ũjũre cudibojacu mani maji. ĩti ñami Diore cudimena ũju, Satanás wame cutigu. ĩti ñami ñeñaro ĩna yiroca yigu. ³ Ito rũmũ Diore cudibitiana ñeñaro ĩna yiado bajiro yibojacu mani cuni maji. Mani tuoñaro bajiroti ñeñaro yicu mani maji, Diore masibiticõri. Manimasiti mani ya rujũ ñeñaro ĩti tuoñaro bajiro ñeñaro yibojacu mani maji. Diore cudirã meje ñacu mani. Mani ñeñaro yirise waja Diore waja ruyuriocu mani maji. Ito bajiri jeame ũjũrojũ warona ñabojacu mani maji. ⁴ Ito bajibojarocati manire bũto ti maicõri, manire ãmosacõyijũ Dios. Ito bajiri manire yiari queno yiñi ĩ. ⁵ Ñeñaro yirã mani ñaja, Dios ĩ tija, godacãna bajiro bajirã ñacu mani. Ito bajibojarocati Jesucristore mani tuorũnũja ticõri, Cristore mũcana tũdi ĩ catiroca Dios ĩ yiado bajiroti, tũdi mani catiroca yiyijũ Dios. Mani queno yirise ticõri meje manire masoñi Dios. Manire ti maicõri, “Yũ Macũre tuorũnũrã ñama ĩna”, yicõri manire masoñi Dios. ⁶ Cristo ĩ godaja bero mũcana tũdi ĩ catiroca yiyijũ Dios. Ito yicõri ũmacũju ĩre ãmi mũja wacõri ĩ tũju rũcũbuoraju Cristore ruji rotiyijũ Dios. Ito bajiri Cristo ñarã ñacõri rũmũa ũjũre cudirã meje ña mani

ija. Ũmacũju Cristo rãca rujirã bajiro tiguĩji Dios manire. ⁷ Ito bajiro yiyijũ Dios, queno ĩ yirise manire ĩorocũ. “Jesucristo ñarã mani ñajare, manire ti maicõri quenoguti yĩni Dios”, mani yi tuoĩatĩñatoni, manire ĩ queno yirise ĩoñi Dios. ⁸ Manire ti maicõri quenoguti yĩni Dios. ĩ Macũ Jesucristore mani tuorũnuja ticõri, manire masoñi Dios. Mani queno yigorise waja yirocũ meje manire masoñi ĩ. Manire ti maicõri rocati waja senibicuti manire masoñi Dios. ⁹ Mani queno yigorise ticõri meje manire masoñi Dios. Ito bajiri, “Yũ queno yigorise ticõri, yũre masoñi Dios”, yi masibea mani ĩja. ¹⁰ Dios ĩ rujeoana ña mani. Jane mejeju ĩ tuoĩa yucãdo bajiroti meniñi Dios manire. ĩ Macũ Jesucristo ñarã mani ñatoni manire rujeoñi Dios. “Yũ Macũre ĩna tuorũnuja, ĩ ejabũarisena quenarise riti yirãji ĩna”, yi tuoĩacõri, manire rujeoñi Dios.

Dios rãca mani oca cutirise quenoñi Cristo, yire gaye

¹¹ Iti rũmũ Diore masirã meje ñayija mũa maji. Ito bajiri mũare ti tudicũ gũa masa. “Judio masa meje ñama ĩna. Ito bajiri Diore cudibiticõri, gũa yisotiado bajiro wirotabeama ĩna”, yicũ gũa masa mũare. “Diore cudirã ñari wirotagoana ña gũama”, yi ti tudicũ gũa mũare. “Ito bajiro yi tuoĩayijarã judio masa gũare”, yi acabojabesa mũa. ¹² Iti rũmũju Jesucristore masirã meje ñayija mũa maji. Dios ñarã meje ñari ĩ rãca sũgũre bajiro tuoĩabisija mũa maji. Ito bajiri, “ĩ ñami mani wajacũ”, yiado bajiro tuoĩayija mũa maji, ĩre masibiticõri. “Dios ñarã mani ñajare ĩ yiado bajiroti manire masogũ yiguĩji ĩ”, yi tuoĩa yurã meje ñayija mũa maji. “Ito bajiro yigu yiguĩji Dios”, yi tuoĩabisija mũa. Adi macãrucũro gaye ñeñaro yire tuoĩa wanucõri, Diore masirã meje ñayija mũa maji. “Ito bajirã ñabojacũ gũa maji”, yi tuoĩaña mũa. ¹³ Adi rũmũriama Jesucristore tuorũnurã ñari Dios ñarã ña mũa ĩja. Manire goda ĩsicõri, Dios ñarã mani ñaroca yiyijũ Cristo. Ito bajiri

ĩ rãca sġgũ bajiro riti tuoĩarã ña mani ĩja. ¹⁴ Cristo ñami oca quenori masu. Iti rumũju sġgũre bajiro meje tuoĩacu mani maji. Iti rumũju gua judio masa rãca oca ñacu maji. Ito bajibojarocati mani jeyarore goda ĩsicõri oca quenoĩi Cristo. Ito bajiri sġgũ bajiro riti tuoĩarã ña mani ĩja. Cristo oca ĩ quenoja bero wajana robo bajirã meje ña mani ĩja. ¹⁵ Manire Cristo goda ĩsijare, “No Moisės ñayoru rotirisere cudi jeobicuti jeame ĩjuroju wacu yiguĩji”, yire ma ĩja. Manire goda ĩsicõri mani gãmeri ti tudirise jediroca yiĩi Cristo. Jua butu mani ñabojarocati, co masa bajiroti mani ñaroca yiĩi Cristo. Ito bajiri gãmeri mani ti tudirise ma ĩja. Oca quenoĩi Cristo ĩja. ¹⁶ Yucutẽoju manire goda ĩsicõri, Dios rãca mani queno ñaroca yiyiju Cristo. Ito bajiri, “Ñe seti ma ĩnare. Yũre waja ruyuriobeama ĩna ĩja”, yi tiguĩji Dios manire. Manire goda ĩsicõri, mani gãmeri ti tudirise jediroca yiĩi Cristo. Ito bajiri jua butu gãna mani ñabojarocati, Cristore tuorũnucõri, co masa bajiroti ña mani ĩja.

¹⁷ Oca quenarise gotirocu adi macãrucũroju wadiyiju Cristo. Dios ñarã meje mua ñabojarocati Dios rãca mua oca cutirise quenorocu adi sitaju wadiyiju Cristo. Gua judio masa, Dios ñarã ñabojarãti ĩ rãca oca cuticu gua cuni. Ito bajiri Dios rãca gua oca cutirise quenorocu adi sitaju wadiyiju Cristo. ¹⁸ Mani ñajedirore goda ĩsiyiju Cristo. Ito bajiri judio masa mani ñaja, mani ñabeja cuni, Espĩritu Santo ĩ ejabuarisena Diore busi masia mani ĩja. ¹⁹ Ito bajiri judio masa meje mua ñabojarocati, “Yũ ñarã ñama ĩna”, yigu yiguĩji Dios mũare. “Yũ Macu Jesucristore tuorũnucõri yũ ñarã ñama ĩna ĩja”, yi tiguĩji Dios mũare. Ito bajiri Cristore tuorũnucõri co masa ña mani ĩja. Dios ñarã riti ñacõri cojuti ñatĩñarona warã ya mani. ²⁰ Gũta wi masa ĩna meni ãmoja, sita butirise ãmarã yirãji ĩna, wi iti jujabe yirona. Sita quenarise

bujacōri, gūta ajeri quenarise āmarā yirāji ĩna, yoari iti wi ñatoni. Jesucristo ĩ cūana ito yicōri Diore goti ĩsiri masa, sita queno buti quenarise robo bajirā ñama ĩna. ĩna riasorisere tuocōri, Cristore tuorūnu jidicāmenaji mani ĩja. Gūta wi meniroti bajiro bajirā ña mani. Ito yicōri gūtagā ñasarica ĩna cōĩaraga robo bajigu ñami Jesucristo. ĩ ñami manire ũmatā ñagū. ĩre mani tuorūnuja, catitĩnarā yirāji mani. ²¹ Cristore tuorūnucōri, sigū robo bajiro riti tuoĩarā yirāji mani. Ito bajiri Dios ñarā ñari queno ĩre moa ĩsirā yirāji mani. Ito bajiro mani yija ticōri, gājerā cūni Diore rūcubhorā yirāji. Jesure tuorūnucōri, ĩ rāca Diore wi meni ĩsirona bajiro bajirā yirāji mani. Mani ya usijū Dios ĩ ñaja, ĩ ya wi robo bajiro yiroja mani ya rujū. Ito bajiri Jesure riti mani tuorūnuja, quenari wi Diore meni ĩsiado bajiro bajirā ñarā yirāji mani. ²² Gūa masa meje ñabojarāti Jesucristore tuorūnucōri Dios ñarā ña mūa cūni ĩja. Ito bajiri cocati ĩre moa ĩsicōri, ĩ ñarā riti ña mani. ĩ ya ũsi manire ĩ queo sājare, ĩ ya wi robo bajirā ña mani ĩja.

3

Judio masa mejere cūni Dios oca Pablo ĩ gotire gaye

¹ Yū ña Pablo, Jesucristore moa ĩsiri masū. Mūa judio masa meje ñarāre Jesucristo oca yū riasoja ticōri, ado tubiara wijū yūre cūama ĩna. Adocāta Dios ñarā mūa ñajare mūare yiari Diore seni ĩsisotia yū. ² “Judio masa meje mūa ñabojarocati, mūare ti maicōri, mūare queno yiñi Dios”, yi riasoa yū mūare. Yūre queno yijaro yirocū, ito bajiro mūare riasorocū yūre cūni Dios. “Itire masirāji ĩna”, yi tuoĩa yū mūare. ³ “Judio masa meje ñarāre cūni ti maicōri, ĩnare masogū yiguĭji Dios”, yi yū tuoĩa masiroca yiñi Dios yūre. Iti rūmujū iti ocare masibisijarā masa. Ito bajiri iti paperana jabeto mūare gotisuoā yū itire ⁴ Yū ucare ticōri, “Gūare cūni goda ĩsiñi Cristo. Iti oca gājerā

ina masibitire, queno masiami Pablo”, yiraji mua yu ucare ticōri. ⁵ Bucurā ñayoana iti ocare masibisijarā ina. Adi rumuriama gua Jesús i cūana, Diore goti isiri masare cūni, i ya ũsi inare queo sácōri iti ocare ina masiroca yiyijū Dios. ⁶ Ado bajiro baja ita oca: Judio masa, judio masa mejere cūni, Cristo oca quenarisere mani tuorūnūja, manire masogū yiguīji Dios. Ito bajiri i ñarā ñacōri, co masa bajiroti ñarā yiraji mani. Ito bajiro Cristore tuorūnucōri Dios i goticādo bajiroti i isiroti boca āmirā yiraji mani.

⁷ Yure ti maicōri, ita oca quenarise masare yu goti ucutoni yure cūni Dios. Ito yicōri i oca queno yu goti masitoni yure ejabuami Dios i masirisena. ⁸ “Queno yigu meje yu ñabojarocti yure beseñi Dios”, yi tuoia yu. Gājerā Cristore masirā berojua gagu ña yu. Yu tija ñasagu meje ña yu. Ito bajibojarocti yure ti maicōri, yure beseñi Dios. Yure besecōri, judio masa meje ñarāre cūni Cristo oca yu gotitoni yure cūni Dios. “Cristore mua tuorūnūja, rētoro queno yigu yiguīji Dios muare”, yu yi goti ucutoni yure cūni Dios. ⁹ “Judio masa meje ñarāre cūni masogū yiguīji Dios”, yu gotire āmoguīji Dios, ñajediro masa ina masitoni. Ado macārucūro i rujeoroto riojua, “Yu Macure ina tuorūnūja, judio masa meje ñarāre cūni masogū yiguja yu”, yi tuoīayijū Dios. Ito bajibojarocti ita oca masa ina masiroca yibisijū Dios maji. ¹⁰ Judio masa meje ñarāre cūni masocōri, i masirise ioyijū Dios. Ito bajiri ado rumuri ija āngel mesa, ũmacūjū rotiri masa cūni ado bajiro yirā yiraji ina: “Jeyaro masigū ñami Dios. Quenarise riti tuoīagū ñami i. Judio masa, judio masa mejere cūni i masoja bero, sigū bajiro riti tuoīarā ñama ina ija”, yirā yiraji ũmacūjū gāna. ¹¹ Jane mejeju ado macārucūro i rujeoroto riojua, “No yu Macu Jesucristore tuorūnurā yu ñarā riti ñarā yiraji ina”, yi tuoīasotiyijū Dios. I tuoīasotiro bajiroti rēta ado rumuri

ija. No mani ʘju Cristore tuorũnugũti Dios yagu ñaguĩji.
¹² Jesucristore tuorũnucõri, “Yure masogũ yiguĩji Dios”,
 yi tuoia mani ija. Ito bajiri ire masicõri guimenati Diore
 busia mani. ¹³ Mua judio masa meje ñarãre Cristo oca
 yu riasoja ticõri, tubiara wiju yu ñeñaro tõbujaroca yama
 ñna. Itire masicõri, “Bujato bajaia”, yi tuoia bojori bujabesa
 mua. “Pablo gotija tuocõri, Jesucristore tuorũnusucõ
 gua. Ito bajiri Dios ñarã ña gua ija”, yi wanuraja muare.

Cristo manire i maire gaye

¹⁴ Rẽtoro queno tuoĩagũ ñari judio masa mejere cuni
 masogũ yiguĩji Dios. Ito bajiri itire tuoĩacõri, rijomu-
 nigãna ñini rũjũa yu, Mani Jacu Diore rucuburocõ.
¹⁵ Jeyaro Dios ñarã, ũmacũju cuni, adi sitaju cuni i ru-
 jeoana riti ña mani. Ito bajiri iti ñami mani Jacu ñasagu.
¹⁶ Rẽtoro masigũ ñari, manire queno ejabua masiguĩji
 Dios. Ito bajiri muare yiari ado bajiro Diore senia yu,
 “Mu ya usi ñnare queo sãcõri queno ñna tuoia oca seoroca
 yiya”, yi senia yu Diore muare yiari. ¹⁷ “Jesucristore
 tuorũnurã ñna ñajare ire riti ñna cudiroca yiya”, ya yu
 Diore muare yiari. Manire i maiado bajiroti gãjerãre mua
 maire amoã yu. ¹⁸ No mani ñaroti manire tuo maigũ
 yiguĩji Cristo. Ũmacũju, jacaju cuni no mani ñaroti manire
 maigũ yiguĩji i. Wesicaju, rocaju cuni no mani ñaroti
 manire maigũ yiguĩji Cristo. “Manire maisaguĩji Cristo”,
 yi tuoiarã rãca sigũre bajiro mua tuoiare amoã yu. Ito
 bajiro mua tuoiatoni muare yiari Diore senia yu. ¹⁹ Manire
 maisacõami Cristo. “Adocõ manire maiguĩji”, yi mani
 tuoiaro rẽto busaro manire maiguĩji Cristo. “Riti bajaia
 iti”, mua yitoni, Diore senia yu. Ito bajiri Diore tuorũnu
 rẽtocucõri i amoro bajiro riti mua yire amoã yu.

²⁰ Mani ya usiju Dios i ñajare, i masirisena manire
 queno ejabua masiguĩji Dios. Ire mani seniro rẽto busaro
 ejabuaguĩji Dios manire. Ito yicõri mani tuoiaro rẽto

bʉsaro ejabʉa masiguĩji ĩ manire. Itire tʉocõri, “Rẽtoro queno yigʉ ña Dios mʉ”, yi ĩre rũcʉbuotĩñarʉja manire. ²¹ Jesucristona sʉoriti manire masoĩni Dios, ĩ ñarã mani ñatoni. Ito bajiri ĩre rũcʉbuotĩñarʉja manire. “Rẽtoro masigũ ña Dios mʉ”, yi rũcʉbuotĩñarʉja mani ĩre. Ito bajiro riti bajitĩñarʉjo.

4

Sĩgũre bajiro mani tʉoĩaroca yigʉ ñami Espĩritu Santo, yire gaye

¹ Mani ʉju Jesucristo oca masare yʉ riasoja ticõri, adoju tubiara wi yʉre tubiacã ĩna. Mʉare yʉ riasogore tʉoĩacõri ado bajiro mʉare riasoa yʉ mʉcana. “Quenarise riti mani yi ñatoni manire beseĩni Dios”, yi tʉoĩarã ña mʉa. Ito bajiri, “Ĩ ãmoro bajiro riti cʉdisotiya mʉa”, yi josa yʉ mʉare. ² “Gãjerã rẽtoro ñasagu ña yʉ”, yi tʉoĩabesa mʉa. Quenoti gãjerãre mʉa rotija quena. Ito yicõri gãjerãre ʉsirioro yi codebesa. Gãjerã ĩna mʉare ñeñaro yija, ĩnare ti tudibesa. ĩnare ti maicõri, ĩnare ejabuaya mʉa. ³ Gãmeri ejabuacõri oca mano ñaña mʉa. *Sĩgũ* bajiro riti mani tʉoĩaroca yigʉ ñami Espĩritu Santo. Ito bajiri wanʉre rãca ĩre cʉdisotiya mʉa. Ito bajiro mʉa yija ticõri, *sĩgũre* bajiroti mʉa tʉoĩaroca yigʉ yiguĩji ĩ. ⁴ *Sĩgũ* ñabojaguti mani jeyarore quedi sãjaĩni Espĩritu Santo. Ito bajiri Jesucristore tʉorũnacõri *sĩgũ* bajiro riti tʉoĩarã ña mani ĩja. Ito yicõri co masa bajiro ña mani ĩja. Dios ĩ beseana ñari, “Dios rãca catitĩñagũ yigʉja yʉ”, yi tʉoĩa mani. ⁵ *Sĩgũti* ñami Jesucristo mani ʉju. Ito bajiri ĩ *sĩgũreti* tʉorũnʉa mani. “Cristore tʉorũnagũ ñaguĩji ĩ cʉni”, yi gãjerã ĩna ti masitoni idé gu rotia mani. ⁶ Mani Jacʉ Dios *sĩgũreti* rũcʉbuoa mani. ĩ *sĩgũti* ñami mani jeyarore roti masigũ. Mani ya ʉsijʉ ñacõri, manire ejabuaguĩji Dios. Ito

bajiri ñre mani moa ñsi masitoni mani jeyarore ejabuagu yiguñji ñ.

⁷ Ñre mani moa ñsisosatonni mani masiroca yigu ñami Cristo. Manire ti maicõri, ñ ãmoro bajiro mani moa ñsisosaroca yami Cristo. ⁸ Ito bajiri ado bajiro gotia Dios oca tuti:

Õmacñju ñ tñdi waroto riojua ñ wajanare rëtocũgũ yiguñji Cristo. Ito bajiro yicõri jaje quenarise ñ ñarãre ñsigũ yiguñji Cristo, yi gotia Dios oca tuti.

⁹ Tite mua: “Õmacñju tñdi wacu yiguñji ñ”, yi gotia Dios oca. “Õmacñju ñ tñdi waroto riojua, cajero jacaju adi sitaju ruji ejañi ñ”, yi tuoña mani. ¹⁰ Adi sita rocajuga tuti ejaru ñti ñami mñcana õmacñjuga weca tuti mña waru. “Coju ruyabeto roticña ya”, yirocu ito bajiro yiyiju Jesucristo ñ masirisena. Ito bajiri jeyaro roti masiguñji Cristo. ¹¹ Ñti ñami queno mani moa masiroca yigu. Tite mua. Mani coriarãre ñ oca mani goti ucutoni cññi. Gãjerã Diore goti ñsiri masa mani ñatoni cññi Cristo. Gãjerã ñre ñna tuorñnutoni, ejabua masiama ñna. Gãjerã queno Jesucristore masirãre ñmatã ñna masiama ñna. Ito yicõri gãjerã queno masare ñna riaso masiroca yinñi Cristo. ¹² Ito bajiro mani masiroca yinñi Cristo, Diore yiaru queno mani moa ñsitoni. Ito yicõri mani oca sëtonni, cocati mani gãmeri ejabua masiroca yinñi Cristo. Ito bajiro ñ yijare ñ ñarã ñnari, sigũ bajiro riti tuoñarã ñna mani ñja. ¹³ Ito bajiri sigũre bajiro tuoñacõri coro bajiroti Cristore tuorñnurã yirãji mani. Ito bajiro yicõri, Dios Macure queno masirã yirãji mani. Mani ya usiju ñ ñajare, ñre bajiroti tuoñarã yirãji mani cuni. Yoari ñre masicõri, queno cudirã yirãji mani. ¹⁴ Rñaca bajiro mani tuoñare ñmobiqũñji Cristo. Biyaru mani tuoñarise wasoare ñmobiqũñji Cristo. Ñ sigũreti mani tuorñnure ñmoguñji ñ. Ito bajiri gãjerã ricati tuoñarã, queno oca ñna gotibojarocati, ñnare tuorñnumenaji mani. ¹⁵ Ado bajirojua yirãji mani. Gãjerãre ti maicõri, riojo oca gotirã

yirãji mani. Ito yicõri, bũto bũsa Cristore tũorũnũcõri, ĩ ãmoro bajiro riti cũdirã yirãji mani. Īti ñami mani Ʋjũ. Ito yicõri, ĩ ñarã ña mani. ¹⁶ Jãjarã mani ñabojarocati sĭgũre bajiro tũoĩacõri ĩre mani moa ĩsiroca yami Cristo. Manire ũmatã ñagũ ñari, mani rijoga ñami Cristo. Ito yicõri ĩre moa ĩsirã ñari ĩ ya rujũ robo bajirã ña mani. Riojo ĩre mani cũdija, cocati queno moarã yirãji mani. Gãmeri ti maicõri, gãmeri queno ejabuarã yirãji mani. Ito yicõri bũto bũsa Cristore tũorũnũrã yirãji mani.

Cristona sũoriti mame tũoĩare ña manire, yire gaye

¹⁷ Mani Ʋjũ Cristo ĩ yũre rotijare, ado bajiro bũsia yũ mũare: Diore masimena ĩna yiro bajiro mũcana tũdi ñeñaro yibesa mũa. ĩna tũoĩaro bajiroti yibojama ĩna. Īnare bajiro yibesa mũama. ¹⁸ Dios ocare tũo ãmobiticõri, “Ado bajiro yũ yi ñare ãmoguĩji Dios”, yi masimenaji ĩna. Ito bajiri Dios ñarã meje ñari ĩ rãca sĭgũ bajiro tũoĩamenaji ĩna. Ito bajiro bajirã ñari Dios ocare tũo masimena yirãji ĩna ĩja. Ī ocare tũo masibiticõri, rãitĩaroju ñarã bajiro bajirãji ĩna. ¹⁹ “Iti ña ñeñarise”, yi masibojarãti ñeñaro yi Ʋyacõrãji ĩna. Ito yicõri ñeñaro ĩna yija bero ñabojarocati, “No yibea”, yirãji ĩna. ĩna ãmoro bajiroti romia rãca, ũmũa rãca cuni jeyaro ñeñaro ĩna yirise yirãji ĩna. ĩna tũoĩaro bajiroti bũto ñeñarise yi Ʋyarã yirãji ĩna. ²⁰ Jesucristo ocare masibojarãti, “Īre masimena bajiro ñeñaro gua yire, ãmobiquĩji Cristo”, ¿yi masibeati mũa? ²¹ Jesucristo oca quenarise ĩ riasore gaye tũogoana ña mũa. Ī ocare tũorũnũrã mũa ñaja, “Ī oca ñasarise ña”, yi tũoĩarã yirãji mũa. ²² Iti rãmũ Jesucristore mũa masiroto riojũa, ñeñarise yi ñayija mũa. Ñeñaro tũoĩacõri, bũto bũsa ñeñaro yi ñayija mũa maji. Ito bajiri ñeñaro tũoĩarisere mũcana itire tũdi tũoĩabesa mũa. Itire jidicãña mũa ĩja. ²³ Ñeñaro tũoĩarise jidicãcõri, Dios ĩ tũoĩaro bajirojũa

mame tuoïare wasoaya mua. ²⁴ Mame tuoïare wasoacõri, Dios ï ãmoro bajiro yiya mua. Ñre bajiro quenarise riti mani yitoni mame tuoïare gaye manire wasoacõañi Dios. Ito bajiro ï yijare ñeñarise tuoïamenati quenarise riti mani yija quena.

²⁵ Ito bajiri mua socare oca cuni jidicãña. Ñasarise riti gãmeri oca gotiya mua. Cristo ñarã ñari, co masa robo bajirã ña mani ïja.

²⁶ Gãjire junisinibojarãti, ïre ñeñaro yibesa mua. Ito yicõri ùmacañi ï quedi sãjaroto riojua oca quenocõri, mua junisinirise jidicãma. ²⁷ Mua junisinirise mua jidicãbeja, rûmúa ujure cudirã yirãji mua. Ito bajiri itire yibesa mua.

²⁸ Rinigoana mua ñaja, tudi mucana rinibesa. Ado bajirojua mua yija quena. Waja bujarona queno moaña. Waja bujacõri, bojoro bujarãre ejabuaya.

²⁹ Oca ñeñarise busibesa mua. Ado bajirojua mua yija quena. Gãjerãre ejabuarona oca quenarise riti busiya. Ito bajiro mua busija tuocõri, tuoïa oca sëorã yirãji ña. Ito yicõri buto busa Diore tuorũnu ãmorã yirãji ña. ³⁰ Ñeñaro mani yija ticõri, bojori bujagu yiguïji Espiritu Santo. Ito bajiri itire yibitiruja manire. Ñ ñami mani ya usiju quedi sãjaru. Manire ï quedi sãjaja bero, “Dios yagu ña yu. Ito bajiri masa ña ñeñaro yirise waja Dios ï waja seniri rumu yure masogũ yiguïji ï”, yi tuoïa mani.

³¹ Gãjire ñeñaro mua tuoïaja, jidicãña itire. Gãjire mua ti tudija, jidicãña. Gãjerãre mua junisinirise jidicãña. Gãjerãre ñeñaro busitubesa. Gãjire oca menibesa. Gãmeri tudirisere jidicãña mua. Ito yicõri gãjerãre ti tudibesa mua. ³² Ado bajirojua mani yija quena. Gãjerãre ti maicõri, ñnare queno yiruja manire. Manire ñeñaro ña yibojarocati, ñnare mani ãcabojaja quena. Dios cuni mani ñeñaro yirisere ãcabojoni ï, Jesucristore tuorũnurã mani

ñajare. Ito bajiri gãjerã ñeñaro manire ñna yibojarocati itire mani ãcabojaja quena.

5

Dios rña mani ñaja ado bajiro ñaruja, yire gaye

¹ Dios rña, ñ mairã ñari, queno ñ yiado bajiroti queno yĩana mani cuni. ² Manire Cristo ñ mairo bajiro gãjerãre cuni mairuja manire. Manire ti maicõri, mani ñeñaro yirise waja, waja yi ñsirocã goda ñsiñi Cristo. Manire Cristo ñ queno yigore ticõri, buto wanuyijũ Dios.

³ Dios ñarã ña mani ñja. Ito bajiri mani ãmua romiare ajebitiruja manire. ãmuaare ajebesa romia mua cuni. Ñeñarise ñarocõti yibitiruja manire. Ito yicõri gãji ya gajeonire ti uobitiruja manire. Ñeñaro yibitiruja manire, “Ñeñaro yirã ñama ñna”, gãjerã ñna yibe yirona. ⁴ Oca ñeñarise busibitiruja manire. Tuoñamenati busibitiruja manire. Ito yicõri romia rãca ajere gaye busibitiruja manire. Quenarise meje ña iti. Ado bajirojua busiruja manire. “Manire queno yami Dios”, yi gãmeri busi wanuruja manire. ⁵ Tuoja mua. Riti muaare gotia yũ. Ñeñaro yirã Cristo ñarã meje ñama ñna. Ito bajiri Dios ñ rotirojũ ejamenaji ñna. No rocati romiare ajegu, Dios tujũ ejabiquĩji ñ. Coriarã Diore mairo rëto busaro gajeonire mairãji ñna. Dios ñ tija ñre rucubuarã meje ñarãji ñna. Ito bajiri ñnaõna Dios ñ rotirojũ ejamenaji. ⁶ “Ñeñarise meje ña iti”, yi ruorãre tuobesa mua. Ñeñaro yirãre ti tudiguĩji Dios. ñna cudibitire waja tõbujarã yirãji ñna. ⁷ Ito bajiri ñnare bajiro yibe yirona, ñna rãca baba cutibesa mua.

⁸ Iti rãmũ ñeñaro yisoticõri, rãitãroju ñarã robo bajiro ñayija mani maji. Adi rãmuriama Jesucristore masicõri, busuroju ñarã robo bajiro ña mani ñja. “Iti ña ñeñarise. Iti ña quenarise”, mani yi masiroca yami mani ãju Jesucristo. Ito bajiri ñ ñarã ñari queno yi ñaruja manire. ⁹ Mani

ya usijũ Espiritu Santo ï ñajare, busurojũ ñarã bajiro ña mani ïja. Ito bajiri quenarise riti yirũja manire. Ñeñarise yimenati, Dios ï ãmoro bajiro riti yirũja manire. Mani busija ñasarise gotirũja manire. ¹⁰ “Ado bajiro yũ yija, wanũgũ yiguĩji Dios”, yi masirona, quenarise riti yĩarũja manire. ¹¹ Diore masimena, rãitĩarojũ ñarã bajiro ñarãji ñna. Ñna ñeñaro yirisere ti wanũbiquĩji Dios. Ñ tũ waja bũjamenaji ñna. Ito bajiri ñna rãca ñeñaro yibesa mũa. Ado bajirojũa mũa yija quena. Ñeñaro yirãre Dios oca ñnare goti masioña, “¿Ñeñaro yirã ñayijari gũa?” ñna yi tũo masitoni. ¹² Masa gãjerã ñna tibeto buto ñeñarise yirã ñarãji ñna. Ñna ñeñaro yigore mani busija, buto bojorise ñna. Ito bajiri itire busibitirũja manire. ¹³ Ado robojũa mani yija quena. Dios oca ñnare mani goti masioja, busuro queno ruyurojũ ñarã bajiro ñacõri, ñna ñeñaro yirisere ti masirã yirãji ñna. “¿Ñeñaro yirã ñayijari gũa?” yi tũo masirã yirãji ñna ïja. Ito bajiro tũoĩacõri, coriarã Jesucristore boca ãmirã yirãji gajea. ¹⁴ Ito bajiri ado bajiro gotia Dios oca:

Caniana, godacãna bajiro bajirã ñna mũa. Ñeñaro yibojarãti, “Ñeñaro yirã ñna gũa”, yibea mũa. Ito bajiri yujiya, Cristore tũorũnuña mũa. Busurojũ ñarã bajiro mũa ñaroca yigũ yiguĩji Cristo, yi gotia Dios oca.

¹⁵ Diore masirã ñnari, queno tũoĩaña, Dios ï ãmoro bajiro mũa yi ñna masitoni. Diore masimena bajiro yi ñabesa mũa. Diore masirã ñnari ï ãmoro bajiro riti yi ñaña mũa. ¹⁶ Adi rũmũri buto ñeñarise yama masa. Ito bajiro ñna yibojarocati quenarise yi ñaña mũama. “Tũdi e jagũ yiguĩji Cristo”, yi tũoĩacõri, Diore moa ïsiña mũa. ¹⁷ Rocati queno tũoĩamena bajiro bajibesa mũa. Dios ocare queno tũo masiña, ï ãmoro bajiro mũa yi masitoni. ¹⁸ “Idire queacõri, wanũgũ yigũja yũ”, yi tũoĩabesa mũa. Ito bajiro

mua queaja, ñeñaro yirã yirãji mua. Ado bajirojua yiya. Espiritu Santo mua ya usijũ ñajare, ñ robo tuoñacõri ñ amoro bajiroti yiya. ¹⁹ Espiritu Santo rãca sīgũ bajiro riti tuoñacõri, mani Uju Jesucristo ocare gãmeri busi wanuña mua. Ito bajiro busi wanucõri, ñ ocare basa sēaña. Ito yicõri ñre wanurã, mua ya usina ñre basa rucubuoja mua. ²⁰ Cristo ñarã mani ñajare, “Queno ya Dios mũ”, yiruja manire mani Jacure. “Queno ya Dios mũ. Dise ruyabeto mũ yisotirise quenarise riti ña”, mani yija, mani Uju Jesucristo wamenati yisotiruja manire.

Cristore tuorũnurã ñari ado bajiro mani ñaja quena, yire gaye

²¹ Cristore rucubuořã ñari, gãjerã ñre masirãre cuni rucubuoja quena. Ito yicõri rucubuoře rãca gãmeri cudiya mua.

²² Taoya romia mua, muare busigu ya yu. Mani Uju Cristore mani cudiro bajiroti mua manujusabatiare queno cudiya quena. ²³ Mua manuja cutija bero, ñti ñami mua ujũ. Ito bajiroti Cristo ñarã mani ñaja, ñti ñami mani Uju. Manire ũmatã ñagũ ñari mani rijoga bajiro bajigu ñami Cristo. Ito yicõri ñre moa ñsirã ñari ñ ya ruju robo bajirã ña mani. Manire masorocũ manire goda ñsiñi ñ. ²⁴ Ito bajiri mani Cristo ñarã, ñre mani cudiro bajiroti mua manujusabatiare cuni cadisotiya mua.

²⁵ Taoya ũmua mua, muare busigu ya yu. Mua manojosãromiare buto maiña mua. Manire cuni buto maiguñi Cristo. Ito bajiri ñ ñarã mani ñatoni, manire yiari goda ñsiñi ñ. Manire ñ mairo bajiroti mua manojosãromiare maiña mua cuni. ²⁶ Manire goda ñsiñi Cristo mani ñeñaro yirise coerocũ. Ito yicõri manire beseñi ñ ñarã riti mani ñatoni. Dios ocare mani tuorũnũja ticõri, mani ñeñaro yirise coeñi Cristo. Mani ñeñaro yirise jidicãcõri, idé gu roticũ mani. Ito bajiro ñre mani tuorũnũja ticõri,

mani ñeñaro yirise coeñi Cristo. ²⁷ Ito bajiro manire coeñi Cristo, í riojo seti mana mani ejatoni. Ito bajiro manire í yicãre ñajare, í riojo ñeñaro yimena bajiroti ejarã yirãji mani. Ito yicõri seti mana bajiro ejarã yirãji mani, í riojo. “Queno yirã ña mua”, yi manire boca ãmigũ yiguĩji í. ²⁸ Mua manojosãromiare queno tuoñaja quena. Mua ya rujuri mua mairo bajiroti mua manojosãromiare cuni maiña. Mua manojosãromiare queno jũarã ñabojarãti co rujũ bajiroti rujũ cutirã ña mua. Ito bajiri mua manojosãromiare mua maija, mua ya rujuri mairo bajiroti maia mua. ²⁹⁻³⁰ Mani ya rujure ti tebea mani. Mani ya rujure maicõri, itire queno tirũnũrã yirãji mani. Ito bajiroti Cristo cuni queno tirũnũgũ yiguĩji í ñarãre. Í ñarã ñari, í ya rujũ robo bajirã ña mani. Ito bajiri manire queno tirũnũgũ yiguĩji Cristo. ³¹ Ado bajiro gotia Dios oca: “Sĩgũ manojosãromiare queno jũarã ñabojarãti, co rujũ bajiroti rujũ cutirã ñarãji ña. Í manojosãromiare queno jũarã ñabojarãti co rujũ bajiroti rujũ cutirã yirãji ña”, yi gotia Dios oca. ³² Iti ocare mani tuo masi ãmoja, josari ña. Ito bajibojarocati iti oca queno manire goti masioa. “Cristo ñarã í ya rujũ robo bajirã ñama”, yi riasoa iti oca. ³³ Manojosãromiare queno gaye cuni queno riasoa iti oca. Ito bajiri mucana muare gotia yũ. Mua manojosãromiare queno maiña. Mua ya rujure mua mairo bajiroti queno mua manojosãromiare maiña. Romia mua cuni, queno rũcũbũocõri, mua manũjũsabatiare cudiya.

6

¹ Rĩaca tuoja mua cuni, muare busigu ya yũ. Mua jacũsabatiare yiro robo cudiya. Mani Hũ Jesucristo ñarã ñari, mua jacũsabatiare queno cudirũja muare. Ito bajiro mua yija Cristo ãmoro bajiro queno yirã yirãji mua.

2-3 “Yure m̄a c̄dija ado bajiro yic̄uja ȳ”, yi t̄oĩa wac̄u ado bajiro rotis̄oyij̄m̄ Dios. “M̄a jac̄u, m̄a jacore c̄ni r̄uc̄ub̄oia”, yi gotiyij̄m̄ Dios. Ito bajiro ã rotija bero, gaje ado bajiro gotic̄âyij̄m̄ Dios: “M̄a jac̄sabatiare m̄a queno r̄uc̄ub̄oja, adi sita ñarã yoari wan̄ quena cati ñarã yirãji m̄a”, yi gotic̄âyij̄m̄ Dios.

4 R̄ia c̄tirã t̄oia m̄a, m̄are busiḡu ya ȳ. Biyaro m̄a r̄ia junisiniroca yibesa. Ado bajiroj̄m̄a m̄a yija quena. Mani ̄j̄m̄ ã ãmoro bajiro ñnare ti maic̄õri, queno ñnare masoña. Ñeñaro ñna yija, ñnare gotiya ñna t̄o masitoni. Ito yic̄õri queno ñnare riasoya m̄a, Cristore queno ñna t̄or̄ũnutoni.

5 Ḡajerãre moa ñsiri masa t̄oia m̄a, m̄are busiḡu ya ȳ. Wan̄re r̄aca m̄a ̄jarãre queno c̄diya m̄a. Ito yic̄õri ñnare ḡui r̄uc̄ub̄oia. Cristore t̄or̄ũnc̄õri, ñre queno c̄dia m̄a. Ito bajiroti m̄a ̄jarãre c̄ni queno c̄dija quena. 6 “Ȳ ̄jarã yure ñna wan̄toni ñna tiroca riti queno moaḡũ yiḡuja ȳ”, yi t̄oĩabesa m̄a. Ñna tiroca, ñna tibeja c̄ni queno ñnare moa ñsija quena. Cristore m̄a moa ñsiro bajiroti queno m̄a ̄jarãre c̄ni moa ñsija quena. M̄a ya usina Diore maic̄õri, ã ãmoro bajiro queno moa ñsiña m̄a ̄jarãre. 7 Wan̄re r̄aca queno m̄a ̄jarãre moa ñsiña m̄a. “Ñnare ȳ queno c̄dija, Cristore c̄ni queno c̄dia ȳ”, yi t̄oĩac̄õri, m̄a ̄jarãre c̄ni queno moa ñsiña. 8 “Mani yiro bajiroti, manire waja yiḡu yiḡuĩji Dios”, yi t̄oĩa mani. Moa ñsiri masa mani ñaja, moa ñsiri masa meje mani ñaja c̄ni, mani queno yiro bajiroti manire waja yiḡu yiḡuĩji Dios.

9 Moari masa ̄jarã t̄oia m̄a, m̄are busiḡu ya ȳ. M̄are moa ñsiri masare queno yija m̄a. Ñnare c̄ni queno m̄are c̄di rotib̄u ȳ. M̄are moa ñsiri masare usirioro yic̄õri, ñna ḡuiroca yibesa. S̄iḡũ ñami ũmac̄j̄m̄ gaḡu mani ̄j̄m̄. M̄are moa ñsiri masa ̄j̄m̄ c̄ni ñaguĩji ã. “Mani yigore

ti cõĩacõri, ito bajiroti manire waja senigũ yiguĩji Dios”, yi tũoĩa masiña mua.

Rũmũre mani rẽtocũtoni manire ejabuagu yiguĩji Cristo, yire gaye

¹⁰ Yũ ñarã susari muare ado bajiro gotisusa yũ. Mani Ʋjũ rãca sīgũ bajiro riti tũoĩacõri, ĩ masirisena buto busa ĩre tuorũnuña mua. Ito bajiro yicõri buto oca s̃oña mua.

¹¹ Surarare tũoĩate mua. ĩna ya rujure camotarona ĩna sãñarise gaye sãñarã yirãji ĩna. Mua cuni ito bajiroti Dios ocare queno tuorũnucõri, tũoĩa oca s̃oña, rũmũa Ʋjũ muare ruobe yirona. Ito bajiro mua yija, muare ruo masibiquĩji rũmũa Ʋjũ. ¹² Mani bajiro rujũ cutirã rãca meje gãmeri tãrã ya mani. Rũmũa tiyamana rãca gãmeri tãrã ya mani. ĩnati ñama adi macãrucũro rãitĩaroju ñeñaro yirã Ʋjarã. ĩna ñama ñeñaro mani yitoni manire usirioro yi coderã. ¹³ Ija buto ñeñari rũmũri ejaro yiroja. Mani ñeñaro yitoni, ruje manire usiriogu yiguĩji rũmũa Ʋjũ. Manire ĩ usirio codebojarocati, mani oca s̃eotoni ado bajiro yirũja manire. Ñeñari rũmũ ito ejaroto riojua, Dios ocare queno riasotirũja manire ito ejaroca oca s̃eorona. Ito bajiri oca s̃eocõri, Jesure jidicãmenaji mani. Ito bajiro mani yija, surara ĩna ya rujuri ĩna camotado bajiro bajirã yirãji mani ĩja.

¹⁴ Jesucristore tuorũnucõri, oca s̃oña. Ito yicõri ñasarise riti busisotiba. Ito bajiro mua yija, sīgũ surara masũ wecũ wiro wẽnucõri, ĩ ñacãdo bajiroti ñacãrã yirãji mua cuni. Quenarise riti yisotiba. Ito bajiro mua yija, surara masũ usi riojo camotaro bajiro bajirã yirãji mua.

¹⁵ “Dios rãca mani oca cutirise quenoñi Cristo. Iti ña oca quenarise”, yi masare gotirona masi yucãña. Ito bajiro mua yija, surara masũ ĩ ya gũboco sãñacõri, ĩ ñacãro bajiro ñarã yirãji mua. ¹⁶ Queno Jesucristore tuorũnuña mua. Iti ña ñasarise. Ito bajiro mua yija,

camotare gaye rucorã bajiro ñarã yirãji mua. Mani tuoïa oca sêome yiroca, yirugũ ãjuricu manire jatucõagũ bajiro yami rûmúa uju. Ito bajiro manire ï yi codebojarocati Cristore mani tuorũnũja manire rêtocũ masibiquïji rûmú. ¹⁷ “Jesucristore yũ tuorũnũja ticõri, yũre masoñi Dios”, yi tuoïacõri, oca sêoña mua. Ito bajiro mua oca sêoja, surara masũ ï jesari coro jesarã bajiro ñarãji mua cuni. Dios oca Espiritu Santo mani masiroca ï yirisere queno tuo masiña mua. Ito bajiro mua tuoïaja, sïgũ sarera jãi rucoga bajiro ñarã yirãji mua. Ito bajiri rûmúa uju muare ï usirioro yi codebojarocati Dios ocare masicãcõri ïjuare rêtocũrã yirãji mua. ¹⁸ Ito bajiro yirona Diore busisotiya mua. Coji ruyabeto Espiritu Santo ï ejabuarisena, Diore busisotiya mua. Ì ãmoro bajiro yirona queno oca sêoro ña yucãña. Ito yicõri ïre busi jidicãbesa. Ito bajiro yicõri ï ñarãre yiari, Diore senisotiya mua. ¹⁹ Yũre yiari cuni Diore senisotiya. Dios oca yũ gotiroca, Diore busiya mua, ï oca queno yũ goti masitoni. “Masa jeyarore maso ãmoguïji Dios”, yi masibisjarã masa maji. Gũibicũti iti oca masare yũ gotitoni yũre yiari Diore busiya mua. ²⁰ Iti oca yũ gotitoni yũre cũñi Dios. Iti oca masare yũ gotija ticõri, ado tubiara wijũ yũre tubiacã ña. Dios ï ãmoro bajiro gũibicũti iti oca yũ gotitoni, yũre yiari Diore seniña mua.

Queno ñaña mua, Pablo ï yi ñucare gaye

²¹ Tíquico, mani yagu, mua tu wacu yami. Ì ñami mani Uju gaye yũ moaroca queno ejabuagu. Mua tu ejacõri, yũ gaye, yũre rêtagore, muare goti jeogu yiguïji ï. Ito yicõri ado yũ moarise gaye muare gotigu yiguïji ï. ²² Ito bajiri ïre cõa yũ, yũ gaye muare ï gotitoni. “Queno ñaguïji Pablo”, yi tuo masicõri mua ya usiju tuoïa oca sêorã yirãji mua. Ito bajiro mua oca sêotoni mua tũju ïre cõa yũ.

²³ Mani Jacu Dios, ito yicõri mani Uju Jesucristore cuni queno tuorũnũrã ña mua. Ito bajiri mua ya usiju

queno m̄ua wan̄u quenaroca yijaro ña. Ito yicõri m̄ua gãmeri ti mairoca yijaro ña. ²⁴Mani Ƴju Jesucristore mai jidicãmenare queno yijaro Dios m̄uare. Itocõ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06
